



Nuuk 25. oktober 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqu:

- 1. Nunatsinni qaleralleriviit namminersortut aammalu Royal Greenland-ip ingerlataasa qalerallit suliarinagit avammut annissugaat qanoq amerlatigippat?**
 - 2. Qalerallillu suliarinagit annissorneqartut aningaasanngorlugit qanoq naleqarpat?**
- (Inatsisartuni ilaasortaq Kristian Jeremiassen, Siumut)

Tunngavilersuut:

Taamatut apeqquteqarpunga qalerallit qerititiinnarlugit nunatta avataanut annissorneqartut qanoq amerlatiginersut paaserusukkakkit.

Nunatsinni suliffissaqaataasinnaagaluartut aammalu aningaasat nunatsinni kaavitinneqarsinnaasut iluaqutaanerusumik nunatsinni kaavitinneqarnissaat pigaartutut isigigakku.

ileqqiliutiinnarneqarsimasutummi ingerlanneqarmat qalerallit suliarinagit ilaatigut qerititiinnarlugit annissorneqarnerat, akueriuminaalluinnarmat.

Aamma paaserusuppara qalerallit suliarinagit anninneqartartut aningaasanngorlugit qanoq naleqarnersut.

Apeqquqaatiga ullut suliffiusut qulit qaangiutsinnagit akineqarnissaa piumasaqaatigivara.